

SCRIPT OF EVENING GOJRI NEWS BULLETIN 10NOV 2025 1700 HRS

ایونینگ گو جری نیوز بلیٹن مو رخہ 10 نومبر 2025

یوہ آکا شوانی جموں ہے عیدالرحمان تے نصرت چوہدری تیں خبر سُنو۔

HEADLINES

- ۱۔ وزیر اعلیٰ عمر عبداللہ نے ضلع اونتی پورہ مانہ قائم اسلامک یونیورسٹی برائے سائنس و تکنیک گا 20 واں یوم تاسیس غو افتتاح کیو اس موقعہ ور موصوف نے کمیونٹی ریڈیو غی شروعات کی تے لڑکیاں غا ہوسٹل گو وی افتتاح کیو۔
- ۲۔ ہریانہ گا فرید آباد علاقہ مانہ پولیس نے کشمیری ڈاکٹر نانہ تقریباً 360 کلو گرام دھماکہ خیز مواد تے ہتھیاراں سمیت گرفتار کیو ہے۔
- ۳۔ جموں کشمیر پولیس تے جیش محمد تے انصر غزوالہند دہشت گرد گروپ غے خلاف کاروائی مانہ بڑی کامیابی حاصل کی ہے۔
- ۴۔ کٹھوہ تے کشتواڑ اضلاع مانہ سیم بیچن آلا افراد غی جانچ پڑتال غو سلسلو شروع کی و گیو ہے تاکہ سیم کارڈاں غی غیر قانونی تقسیم کاری ور روک لائی جاسکے۔
- ۵۔ نگروتھ اسمبلی حلقہ مانہ آئندہ کل منعقد کرایا جان آلا ضمنی انتخابات خاطر تمام تیاری مکمل کر لی گئی ہیں 98 ہزار رائے دیندگان 10 امیدواراں غی قسمت غو فیصلو کریں گا جموں کشمیر سرکار نے ضمنی انتخابات خاطر 11 نومبر نانہ پیڈ چھٹی غو اعلان کیو ہے۔

CM AWANTIPORA

وزیر اعلیٰ عمر عبداللہ نے اج اسلامک یونیورسٹی آف سائنس اینڈ ٹیکنالوجی آئی یو ایس ٹی اونتی پورہ گا 20 واں یوم تاسیس غو افتتاح کیو اس موقعہ ور موصوف نے آئی یو ایس ٹی کمیونٹی ریڈیو سٹیشن غی شروعات کی اس ریڈیو سٹیشن گو مقصد مقامی رابطاں نانہ مزید مضبوط کرنو ہے وزیر اعلیٰ نے اس دورہ غے دوران اونتی پورہ اسلامک یونیورسٹی مانہ لڑکیاں وستے تعمیر کیا گیا ویشو گرل ہوسٹل گو وی افتتاح کیو۔ اس ہوسٹل غے اندر خواتین طالب علماں وستے جدید طرز غی سہولیات دستیاب نہیں اس موقعہ ور بولتاں مانہ وزیر موصوف نے کہیو کہ سرکار علاقہ غے اندر تعلیم گا بارا غے نال نال خواتین نانہ باختیار بنان تے مجموعی ترقی گا اپنا وعدہ غی پابند ہے اس موقعہ ور کئی اعلیٰ حکام تے مزکورہ یونیورسٹی غا ملازمین موجود تھا۔

Dy CM BRIDGE

نائب وزیر اعلیٰ سریندر چوہدری نے ضلع راجوری غا نوشہرہ علاقہ کٹیرا جاگیر ناڑیاں ماہ 95 میٹر لمبا گڈیاں غی آمدورفت آلا ایک پُل غی تعمیر وستے نی پتھر رکھیو ہے اس موقعہ ور بولتاں واں نائب وزیر اعلیٰ نے سرکار غا دیہی ڈھانچاں غی مضبوطی تے مجموعی ترقی وستے کیا گیا وعداں نانہ دہرایو تے مزید بولتاں واں اس طرح کہیو۔

EXPLOSIVE RECOVERED

جموں کشمیر پولیس تے ہریانہ پولیس غی ایک ٹیم نے ہریانہ گا فریدا آباد علاقہ تیں بڑی مقدار مانہ دھماکہ خیز مواد ہتھیار تے گولی سکو برآمد کیو ہے فریدا آباد پولیس کمشنر ستیندر کمار نے دسیو ہے کہ جموں کشمیر پولیس تے ہریانہ پولیس غی طرفوں سانجے طور شروع کیا گیا اس آپریشن مانہ ڈاکٹر مزمل نام غا ایک ملزم نانہ گرفتار وی کیو گیو ہے اس سلسلہ مانہ گل بات کرتا مانہ فریدا آباد پولیس کمشنر نے مزید اس طرح کہیو۔

TERROR MODULE

جموں کشمیر پولیس نے ایک بین ریاستی دہشت گرد جماعت جیش محمد تے انصار غزو ٹلہند نال جڑیا دہشت گرداں غے خلاف کاروائی کرتا واں ایک بڑی کامیابی حاصل کی ہے اس آپریشن مانہ بکھ بکھ ریاستاں غے اندر چلائی گئی تلاشی کاروائی مانہ 7 افراد غی گرفتاری تے بڑی مقدار مانہ ہتھیاراں غے نال گولی سکو وی برآمد کیو گیو اس دوران تقریباً 3 ٹن دھماکہ خیز مواد وی ضبط کیو گیو حکام غے مطابق یاہ کاروائی سرینگر مانہ 19 اکتوبر غے روز اُس وقت شروع کی گئی جد جیش محمد دہشت گرد تنظیم غی طرفوں بنپورا نو گام مانہ بکھ بکھ جگہاں ور پوسٹر چسپاں کیا گیا جن مانہ پولیس تے حفاظتی دستاں نانہ کئی قسم غی دھمکی دتی گئی تھیں اس سلسلہ مانہ نو گام پولیس سٹیشن ور ایک ایف آئی آر زیر نمبر 2025/162 درج کی گئی تے یو اے پی اے قوانین غے تحت اعلیٰ سطحی تحقیقات جاری کردتی گئی تھیں۔

SIM VENDORS

پولی س نے کشتواڑ تے کٹھوعہ ضلع مانہ سیم بیچن آلا دکانداراں ور ایک بڑی جانچ مہم شروع کی ہے تانجے حفاظت ناہ مزید مضبوط بنايو جاسکے تے غیر قانونی سیم غی فروخت ور روک لائی جاسکے آکاشوانی جموں گا نمائندہ غے مطابق تمام گیزٹ افسر تے ایس ایچ اوز نے اپنا اپنا علاقہ مانہ سیم بیچن آلا دکانداراں غی جانچ کرنی ہے اس دوران دکانداراں نانہ ہدایت دتی گئی ہے کہ جاری کیا گیا تمام سیم کارڈ غو مکمل ریکارڈ رکھیں کے وائی سی گا اصولاں ور سختی سنگ عمل کریں تے جعلی یا پہلاں تیں چل رہی سیم نانہ فروخت نہ کریں ایس ایس پی کشتواڑ نریش سنگھ نے زور دیتا واں کہیو کہ سیم جاری کرن غا عمل مانہ شفافیت تے ایمانداری ضروری ہے تانجے اس غا غلط استعمال نانہ روکیو جاسکے۔

BY POLLS ARRANGEMENTS

نگروٹہ اسمبلی حلقہ مانہ ضمنی انتخابات آئندہ کل کرایا جنیں گا تے اس سلسلہ مانہ تمام تیاری مکمل کرلی گئی ہیں انتخابات خاطر جاری مہم غو سلسلو گزشتہ شام اختتام پزیر ہوو مزکورہ اسمبلی حلقہ غا تقریباً 98 ہزار رائے دہنگان آئندہ کل 10 امیدواراں غی قسمت غو فیصلو کریں غا ان انتخابات مانہ 4 امیدواراں بشکار تگڑو مقابلو وے غو۔ آکاشوانی جموں غا نمائندہ نے خبر دتی ہے کہ مزکورہ اسمبلی نشست خاطر تکنی مقابلو بی جے پی امیدوار دیویانی رانا، این سی امیدوار شمیم بیگم تے سابقہ وزیر ہرش دیو سنگھ بشکار متوقع ہے۔

BY POLLS PAID HOLIDAY

جموں کشمیر حکومت نے اعلان کیو کہ 11 نومبر 2015 نانہہ اسمبلی حلقہ بڈگام تے نگر وٹا
 غا ضمنی انتخابات غا سلسلہ مانہہ پولنگ غے تہاڑے ووٹراں واسطے سرکاری چھٹی گو
 اہتمام کی وگیو ہے تانجے وہ بلا رُکاوٹ اپنا حق رائے دہی غو استعمال کرسکیں
 آکاشوانی جموں گا نمائندہ غے مطابق یوہ فیصلو عوامی نمائندگی قانون سال 1951 غی
 غے تحت لیو گیو ہے جسراں کہ سرکاری حکم نمبر 1355 (B) دفعہ 135
 مانہہ 16 اکتوبر 2025 نانہہ عمومی انتظامی محکمہ غی طرفوں JK(GAD) سال 2025 غا
 جاری کیو گیو حکم غے مطابق ووٹ کہلن گا حق دار تمام افراد جہرا کسی کاروبار
 تجارت صنعتی ادار یا دوجی جگہ ور ملازم ہی اُن واسطے پولنگ غا تہاڑے تنخواہ سمیت
 چھٹی غو اعلان کیو گیو ہے۔

VANDE MATRAM

سردار @150 تقریبات غا حصہ غا طورور ضلع انتظامیہ ادھمپور نے مختلف ڈگری
 کالجاں تے ہائر سکینڈری سکولان غا این سی سی شاخ غے نال مل غے ایک پد یاترا
 یعنی اتحاد مارچ غو اہتمام کیو یاہ مارچ سوباش سٹیڈیم ادھمپور تیں منی سٹیڈیم ٹاون ہال
 ادھمپور توڑی کڈی گئی۔ اس مارچ گو مقصد سردار ولب بائی پٹیل غی 150 ویں سالگرہ
 غا موقع ور اُن غی خدمات تے ملک غی یکجہتی مانہہ اُن گا کردار نانہہ خراج عقیدت
 پیش کرنو تھو اس موقع ور مقررین نے کہیو کہ سردار ولب بھائی پٹیل نے ملک نانہہ ایک
 کرن تے قومی اتحاد نانہہ مضبوط بنان مانہہ اہم کردار ادا کیو ہے ذرائع ابلاغ سنگ
 گل کرتا واں ڈی سی ادھمپور سلونی رائے نے اس طرح کہیو۔

FARMER'S EXPOSURE VISIT

محکمہ باغبانی نے اج مشن برائے جامع ترقی باغبانی تے زرعی ٹیکنالوجی انتظامیہ
 غے تحت سال 2025-26 واسطے کاشتکاری غی تربیت تے جائیزہ بارے دورہ غو
 اہتمام کیو اس دورہ غو مقصد مقامی کسانان نانہہ جدید باغبانی طریقاں تے ٹیکنالوجی
 تیں روشناس کرانو تھو دورہ غے دوران کسانان نانہہ کشمیر غا مختلف باغبانی غی کھیت
 تے تحقیقی مراکز مانہہ لے جایو گیو جت اُنہاں نے جدید کاشتکاری غا عملی طریقہ
 سیکھیا۔ یوہ دورو کسانان واسطے ماہرین تیں ملن تے اپنا تجربات سانجہ کرنو ایک
 اچھو موقع ثابت ہوو ذرائع ابلاغ سنگ گل کرتا واں محکمہ باغبانی غا ایک افسر
 نے اس طرح کہیو۔

DRUG CONTROL

رامبن مانہہ دوائیاں غی خریدو فروخت ور نظر رکھن آلا محکمہ نے دوائیاں غی
 فروخت تے تقسیم کاری ور قریبی تیں نظر رکھی ہے تانجے عوام غی صحت نانہہ
 محفوظ کیو جاسکے حکام نے کہیو کہ بغیر اجازت غے نفسیاتی یا نشاہ آور دوا غی
 خریدو فروخت یا نقل و حمل کرنو غیر قانونی ہے تے اس ور سخت سزا ہوسکے ایسی
 غیر قانونی فروخت تیں لوک نشہ گا عادی بن جیں تے ان دوائیاں ور انحصار کرن لگیں
 تے بعض وقت زیادہ مقدار لیں تیں صحت نانہہ شدید نقصان یا جان غو خطرو وی
 بن جے۔ قانونی طورور دوا صرف لائسنس یافتہ میڈیکل سٹور، اسپتال تے سرکاری
 طور ور منظور شدہ اداراں مانہہ بیچی جاسکے۔ محکمہ نے عوام تیں اپیل کی ہے
 کہ اگر کتے غیر قانونی دوا غی فروخت کی جارئی ہے تاں فوراً اطلاع کریں۔ آکاشوانی

غا خبراں آلا شعوبہ سنگ گل کرتا واں رام بن غا ڈرگ كنٲرولر اسٲينٲ سنجيو كمار
گپتا نے اس طرح كهيو۔
